



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

Sectio Nona. De lite in Camera Spirensi Anno MDXLIX. inchoata.

urn:nbn:de:hbz:466:1-14268

illum utentem & simplicem rusticum in verbis suis captantem. Et quidem pessimo hoc consilio & causæ suæ perquam noxio agit; si enim Eminentissimus dixit, acceptari dicta illa *in quantum Pro*, nonne fatetur dicta aliqua fuisse non Pro, sed Contra ipsum, atque adeo totum quod ibi dicebatur non fuisse pro Archiepiscopo? Ita iusto Dei iudicio euenit, ut dum fraudem palliare cupit, eam quam maximè prodat. Potens enim est veritas & veluti ignis, qui quò magis concluditur, eo maiore vi & fragore erumpit.

Sed & aliâ ratione seipsum cruentat & conficit ipse scriptor. Probare intendit à tempore Alberonis Archiepiscopi, hoc est ab Anno MCL. circiter subditos Maximianos subiectionem & obedientiam Electori Treuirensi, tanquam Domino Territoriali iurasse, & ut hoc pröber, profert vnicum actum Iuramenti, quod Anno MDCXXIII. præstitum dicit. Nonne per hoc satis fatetur antedictum annum, quo lis in consilio aulico Cæsareo agebatur, nihil vñquam tale gestum fuisse?

Sed hæc quidem magis ad veritatis testimonium, quam Iuris nostri defensionem ita referre volui: nam cum eo anno, quo hæc gerebantur MDCXXIII. apud Aulicum Cæsareum Tribunal causa & lis super Monasterij Iure agitaretur, ut dixi, clarum est per eiusmodi actus nihil iuris potuisse Archiepiscopo acquiri.

SECTIO NONA.

De lite in Camera Spirensi Anno MDXLIX. inchoata.

ATempore Alberonis transiit libelli Auctor ad annum usque MDCIX. Acto tot intermedii sæculis, dicit eiusdem Alberonis Successores in quieta possessione & plenario exercitio Iurium territorialium & Electoralium permanisse, Abbates verò & subditos S. Maximini omnia subditorum munia, atque omnes & singulos Iurisdictionis Territorialis actus, quos enumerat, paratè & officiosè subiussæ, donec tempore Caroli V. Cæsaris anno MDXLVIII. Cæsareus Procurator fiscalis contra Ioannem Ludouicum Archiepiscopum actionem in Camera Spirensi intentarit, in qua auctorem dicit conclusiones libelli sui eò direxisse, ut Iudices Camerale decernerent Abbatem S. Maximini esse statum ac membrum Imperij immediatum, eaque propter teneri soluere Imperio contributions; vel casu quo Elector Treuirensis in Exemptione Abbatæ aliquid Iuris prætenderet aut haberet, ipsum pro eadem ad prædictas contributions Imperio exoluendas obligatum esse. Et marginalis glossator addit, quod Cæsareus fiscalis tentarit per hanc actionem Monasterium à sœulari Iurisdictione Archiepiscopi eximere.

In textu verò libelli Scriptor dicit ab Abbatibus procuratores in hac lite sive processu constitutos, eosdē se pro subditis Archiepiscopi propria judiciali confessione agnouisse; octodecim annis processum ventilatum, omnes probationes ab utraque parte productas & consideratas, idque probare per exhibitionem voti Cameralis intendit, quod est in libello sub lit. I. cui addit sententiam inscutam sub K. atque hæc fere à n. 31. usque ad 36. persequitur.

Qua in narratione cum plurima aperte falsa continentur, ante omnia bona fide totiusque rei gestæ seriem & litis istius occasionem & progressum referam,

tum

tum vero ad votum, vbi etiam de prætentæ actibus possessoris agetur, & deinde ad sententiam considerandam sequentibus sectionibus progrediar.

S. Occasio Litis in Camera Spirensi exortæ enarratur.

Turbat à per Lutheri eiusque asseclatum seditiones, Germaniâ, magnis periculis Monasteria aliaque sacra loca exponebantur; neque illo tantum modo Monasterium S. Maximini, sed priuatâ quoque calamitate affligebatur, pestilentia nimis, quæ in sacra familia desauierat, & præstantissimos quoque & rerum peritos religiosos sustulerat. Abbas Ioannes Cellensis, vir simplex & rectus, adhuc senio confectus, unus supererat, qui summæ rei posset intendere. Cæteri religiosi, Nouitij, Iuuenesque & prorsus negotiorum erant & status Monasterij ignari.

Hac occasione Ioannes Ludouicus Archiepiscopus Treuirensis, feliciter ad intentum suum vsus, quod æquè ac Richardus eius prædecessor Abbatiam illam Archidiœcesi asserere moliretur, senicum Abbatem blandissimis alloquijs & persuasionibus facile inducit, ut in communib[us] illis maximis que hæreticorum periculis, de potente aliquo Coadiutore assumendo circumspiceret, qui Abbatiam Lutheranorum cupiditati expositam, tueretur.

Proponebat Ioannem Isenburgicum capitularem & Archidiaconum Treuirensem ac capitularem Colonensem & Argentinensem, quem præter magnas animi dotes, etiam familiæ, vnde Originem ducebat potentiam inter omnes commendabat Bonus Abbas, ad tantum virum in Coadiutorem assumendum, persuaderi se est passus, sed hac lege, ut habitum Religiosum in S. Maximini Cœnobio assumeret, priusquam Prælatura vacantis dignitatem adiret, & tum more consueto benediceretur; ad hanc, Coadiutoriam in nullum alium transferret sine Abbatis & Conuentus consensu, prout in instrumento desuper solemniter confessio, quod est sub N. 69. continetur.

Ita Ioannes Isenburgicus fit Coadiutor Abbatis S. Maximini anno MDXLI; defuncto deinde Ioanne Ludouico anno MDXLVII. à Capitulo Metropolitano Archiepiscopus eligitur; similiter defuncto Ioanne Cellensi Abbe, anno MDXLVIII. eo ipso etiam in effectu fit Abbas S. Maximini, habitu religioso, uti conuentum erat, nunquam suscepto.

Et quidem, siue ut hac obligatione penitus liberaretur, siue alia de causa, à S. Sede obtinuit, ut Abbatia illi, titulo Commendæ relinqueretur: quod facilè illi fuit, quod ab alio aliquo Electo oppositionem pati nullam posset.

Eodem anno MDXLVIII. in Comitijs Augustanis à Carolo V. Cæsare, constitutio siue Recessus fuit editus, quo Procurator Fiscalis Imperij iussus est actionem apud Cameram eiusdem Imperij intentare, contra omnes status immatriculatos, qui à Contributionibus siue inductionibus Imperio soluendis se eximere nitebantur; siue prætextu priuilegij, siue, quod se alteri alicui statui coniunctos dictitarent; ex eiusmodi enim male fundatis exemptionibus, non modo perturbationes, sed & roboris S. R. Imperij diminutionem non mediocrem oriri, status congregati querebantur.

Hanc igitur pulcherrimam intenti sui promouendi (asserendi nempe in perpetuum Archidiœcesi suæ Abbatiam S. Maximini) Ioannes Archiepiscopus nequaquam elabi est passus. Nam cum Prior & Conuentus Maximinianus, exigentibus collectarum Imperij questoribus, nolle quam perfoluere, occasio Cæsareo Fisci litis cōtra Abbatem S. Maximini intentiādæ præbita fuit.

Citatur Abbas S. Maximini anno MDXLIX. eaque ciratio in Monasterio insinuatur, sed Conuentualis quispam respondit, vt res erat, non se habere aliū Abbatem, quam Ioannem Archicopum, atque ad illum, Abbatem scilicet suum commendatarium, Apparitorem Cameræ remisit.

Ioannes Archiepiscopus per Procuratorem suum Michaëlem Kaden Comparet, coram Cameræ Spirensis Tribunalis, non modo vt Abbas, verum etiam vt Archiepiscopus, & cum omnia solus ac pro arbitrio moderaretur, Conuentu Maximiniano ad instar Pupilli & Orphani omni præsidio destituto, in causa & actis seipsum in qualitate Eximentis & Exempti diuerso respectu, inscribi iussit: nimirum se, vt Archiepiscopum Eximentem, vt Abbatem vero S. Maximini Exemptum.

Loco libelli, Petitionem articulatam fiscus mox edit, quâ concludit & petit secundum intentum & mentem supradicti Recessus Imperij declarari, quod Abbas S. Maximini teneatur collectas, tam ordinarias, quam extraordinarias Imperio immediate pendere, eo quod sit status eidem Imperio immediate subiectus; vel casu quo deprehenderetur, quod ab Archiepiscopo Iure posset eximi, iniungi eidem Archiepiscopo onus soluendæ contributionis, tam ordinaria, quam extraordinaria, per Abbatem alioquin debitæ.

Hanc Fisci petitionem poterat Archiepiscopus nullo negotio elidere, quod sciret Abbatiam illam esse statum immediatum & membrum S. R. Imperij, prout, non modo in litteris Inuestituræ sua sub Num. 56. clarè agnouerat, verum etiam in libello statibus Imperij oblati, cuius fragmentum supra p. 1. c. 1. Secc. 2. § 14. retuli, vbi querebatur de Luxemburgensibus, quod ad comparendum in Comitijs ordinum Luxemburgensium adigere ipsum conarentur; id enim fas esse negabat, eò quod Abbas S. Maximini status esset immediatus Imperij, & in Comitijs Imperij cù qualitate comparare teneretur.

Nihilominus contra notoriam, & sibi tam clarè perspectam Iuris Maximiniani evidentiam, vt Archidiœcesi commodaret, per procuratorem suum contra fiscalis actoris intentionem, sustinuit Abbatiam Maximinianam non esse Imperij membrum, neque illi immediate, sed Archiepiscopatu*m* esse subiectam, & vt talem ab inductionibus imperio soluendis ab Archiepiscopo Treuirensi eximi. Ad hunc scopum omnes probationes suas retulit.

Paucis post annis moritur immaturâ morte Ioannes Archiepiscopus, tempore Regiminis sui, quadriennio fere toto morbis conflictatus. Deus nimirum, actor Sancti, in S. Maximini Ecclesia depositi, Commendæ illi non benedixerunt, vti hodieque eiusmodi conatibus euenissemus videmus.

Successit illi in Archiepiscopatu*m* Ioannes à Petra, in Abbatia Petrus Reekius à Luxemburgo per conuentum de gremio, ipsius Monasterij electus, Archiepiscopus litem in Camera persecutus est eadem omnino mente & proposito, quo eius Prædecessor. Idem quoque eadē intentione persecutus est Jacobus Archiepiscopus, Ioannis Successor, sub quo demum sententia lata est anno MDLXX.

At Petrus Abbas S. Maximini ad litem illam reaffirmendam nunquam citatus fuit, neque unquam per se, vel per Procuratorem legitimè in hac causa constitutum, coram Tribunalis Spirensi comparuit. Sed neque Successor eius Matthias Sarburgensis, qui biennio ante sententiæ pronunciationem eligebatur, ad litem reaffirmendam citatus fuit, aut unquam coram Cameræ Tribunalis per se, vel alium legitimè comparuit.

Quin imo, illud non est præter eundum, quod Procurator Fiscalis Cæsareus

extra

extractis compulsorialibus à Cameræ Iudice, Abbatem coēgit edere priuilegia, quæ de Monasterii Iuribus ab Imperio sibi concessa haberet. Abbas confirmatorias Maximiliani I. & Caroli VI. in quibus ad verbum, & integra illa omnia Imperatorum & Regum Diplomata Dagoberti Pipini, Caroli M. Ottonis M. S. Henrici, & aliorum quæ hic exhibemus, comprehenduntur; Ad hæc quasdā Inuestituras Fisco transmisit; de cause meritis, actis, allegatis, nihil ad illum est relatum, neque liti se immiscere vñquam est iussus vel rogatus.

Verum est Alexandrum Reifsteck Procuratorem ab Abbe S. Maximini, aliotum negotiorū causā constitutum, sollicitatum à Fiscali Anno MDLXIV. vt nomine Abbatis compareret; id primum detrectasse, quod diceret (vti ipse met Fiscalis quoque Archiepiscopi Procuratori obiecerat Anno MDLXII 27. Junij) neminem pro Abbatे vñquam huic cause interuenisse. Ideoque à Fiscali citationem postulatam fuisse contra Abbatem, qua, ad causam reassumendam compelleretur: quæ tamen nunquam fuit executioni mandata, neque Abbas citatus.

Constat deinde eundem Reifsteck comparuisse declarasse que iterum, se in protocollo, quod attente considerarat, & perlustrarat, non reperire quod vllus vñquam Abbas, præter Archiepiscopum Treuirensim, eundemq; primitus Abbatem Commendatarium, huic cause se immiscisset. Nihilominus se, vt non videatur Abbas hunc processum velle impedire, generalis mandati sui copiam ex Fisci requisitione exhibere, causam cæteroquin, & rem totam se iuxta retroacta relinquere. Atque ita pro defensione Monasterij verbum nullum protulit, factum nullum proposuit, rationem, ne vnam quidem deduxit, neque conclusionem vllam sumpsit, vt in processus illius actis perspicue est videre; testium quoque productioni ab Archiepiscopo factæ non interfuit, illa enim Anno MDLXXII fuerat peracta, cum mandatum generale Reifsteckio datum fuerit Anno MDLXII.

Ipse quoque Fiscalis causam suam oscitanter peregit, nam contentus documenta ab Abbatे per compulsoriales expressa exhibere, nullas viuæ vocis probations pro articulorum à se positorum verificatione est exequutus.

Atque ita lis illa tota, inter ipsum Fiscum Cæsareum & Archiepiscopi Procuratores acta, agitata & ad finem perducta, donec sententia lata fuit Anno MDLXX.

Quæ omnia hīc à me relata, verissima sunt, & si opus foret, certis documentis & actis dicti Spirensis processus, firmiter probari possent.

E quibus manifeste sequitur, non bona fide agere libelli Scriptorem, dum pro Ioanne Archiepiscopo supponit Ioannem Ludouicum, qui iam anno MDXLVII. obierat, biennio ante citationem Fiscalis, & litem inchoatam, neque erat Abbat Commendatarius S. Maximini, vti Ioannes, quod hoc patto voluit Scriptor occultare.

Item, dum singit intentionem Fisci eò directam fuisse, vt Monasterium Archiepiscopi sacerulari Iurisdictioni subtraheret, quod non principaliter intendebat Fiscus, sed Recessui Imperij obtenerare & solutionem Collectarum siue ab Abbat, siue ab Archiepiscopo, si quidem is eximens esse legitime doceretur, exprimere.

Præterea dum dicit ab Abbatibus Procuratores in hoc processu constitutos.

Denique ipsos Abbes propria Iudicali confessione se pro subditis Archidiœceſeos agnouisse, quæ omnia falsissima sunt.

Falsum item est, quod insinuat ex parte S. Maximini documenta, scripturas,

depositiones testium aliaque Iura producta & ponderata; cum Abbas nunquam ad hanc litem fuerit citatus, multò minus in eo Iudicio defensus vel auditus. Quod studiosè & non sine artificio videtur ita practicatum fuisse, ne forte Abbas comparens, animaduerteret illa quæ contra Monasterij statum agitabantur.

Atque hæc pauca de multis, quæ scilicet occasio & progressus fuerit litis Spirensis, sint dicta: Nunc votum Camerale examinandum, quod auctor libelli in speciem ad probandas supradictas positiones exhibuit.

SECTIO DECIMA.

Votum Camerale nihil contra Iura S. Maximini solidum contineat sed potius in multis Archiepiscopo obesse ostenditur.

CVM non agatur de Senatus sententiâ, sed Senatoris duntaxat & Assessoris Spirensis opinione & voto, licebit omnino eius dicta redarguere, & ostendere in quantis uictor voti à verò aberrauerit. Et cum ab auctore libelli idem votum pro Archiepiscopi prætensione inter documenta eius producatur, etiam fas nobis erit ijs, quæ pro Iure nostro dicit & concedit, tanquam ab aduersa parte admissis vti ad ipsum conuincendum.

Hoc duntaxat proposito, refutationem voti aggrediar, non ut omnia & singula cius dicta probationesque examinem & refutem, quod inutile æquè ac immensum foret.

S. I. Prima quæstio de Exemplatione documentorum excutitur.

Art. I. Quam vim documenta exemplata habeant.

Principio illud obseruandum Maximilianos in lite illa Spirensi, ad quam votum à Scriptore defertur, non fuisse auditos, neque rationes directo aut ex professo contra illos à Senatore (si Senator illud confecit) per illud votum opinante fuisse propositas, sed præcipue contra Fiscum nomine Imperatoris agentem, & quatenus ipsorum Imperatorum facta Imperatores concernebant, non autem quatenus eadem facta Maximilianorum interesse Iusque tangere poterant.

Quorum respectu variant sanè rationes causæque dicendi ac decidendi, ut pote in quorum Maximilianorum Iure consistat Ius Tertij, cui per rescripta Principum non ita præindicatur, quemadmodum ipsorum Principum concedentum proprio Iuri.

Vnde fit, ut quod ad primam quæstionem in voto propositam attinet, consistere potuerit illa distincio exemplorum, ut non valeant exempla expedita, etiam à Principe, nisi præsente aut citata parte, dum de instrumentis agitur, sicut in Priuilegijs vel renouatione priuilegiorum, quam Papa vel Princeps facit, ut scilicet valeat illorum exemplatio, etiam partibus non vocatis, quod intelligendum est in quantum concernunt præjudicium Principum, Priuilegia renouantium exemplaque confirmingantium, modo ipsi Principes tales sint, qui

priu-